




საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გრუმინსკი-ბაგრატიონი პეტრე პეტრეს ძე



პ. გრუმინსკი-
ბაგრატიონი

გრუმინსკი-ბაგრატიონი პეტრე პეტრეს ძე (28. III. 1920, თბილისი, - 13. VIII. 1984, იქვე), პოეტი და დრამატურგი. საქართველო. ხელოვნ. დამს. მოღვაწე (1979). ბაგრატიონთა სამეფო გვარის პირდაპირი შთამომავალი.

დაამთავრა თსუ-ის ფილოლ. ფაკ-ტი (1941). ლიტ. მოღვაწეობა დაიწყო 1933-იდან. თავდაპირველად წერდა თამარაშვილის ფსევდონიმით. ანტისაბჭოთა ლექსებისათვის 1945 დააპატიმრეს.

მისმა ლირ. ლექსებმა არაერთი კომპოზიტორის ყურადღება მიიპყრო. იგი თანამშრომლობდა კომპოზიტორებთან: ა. ბალანჩივაძესთან, ო. თაქთაქიშვილთან, რ. ლალიძესთან, ბ. კვერნაძესთან, ო. თევდორაძესთან, ს. ცინცაძესთან და სხვ. მის ლექსებზე შესანიშნავი სიმღერები შეიქმნა, რ-თა შორის აღსანიშნავია რ. ლალიძის „გვიხმობს სამშობლო“, „სიმღერა თბილისზე“ (დაიწერა თბილისის 1500 წლისთავისათვის), გ. ცაბაძის „ჰიმნი სიყვარულს“, „მიმღერე რამე“, „სადაც გინდა, იქ ილოცე“, ბ. კვერნაძის „გაბაფხულდა“, ო. თევდორაძის „ობელისკები“ და სხვ.

მისი ლექსები აჟღერდა აგრეთვე ქართ. ფილმებში: „კეთილი ადამიანები“, „ბაში-აჩუკი“, „დღე პირველი, დღე უკანასკნელი“, „აბებარა“, „მხიარული რომანი“, „რაც გინახავს, ვეღარ ნახავ“, „მიმინო“, „განგაში“ და სხვ.

გ.- ბ-ის სცენარებზე შეიქმნა ქართ. ფილმები: „შეხვედრა მთაში“, „საქართველოს რიტმები“ და „საჩუქარი“. იგი არაერთი მუს. კომედიის ლიბრეტოს ავტორია, რ-თაგან აღსანიშნავია „შურისმაძიებელი“, „საყვარელი დისშვილი“ და სხვ., აგრეთვე დრამ. ნაწარმოებებისა („სასჯელის შიშით“, „შემთხვევა ბღვაში“, „ბრალდებული“) და საოპერო ლიბრეტოებისა.

დაკრძალულია მცხეთაში, სვეტიცხოვლის ტაძარში.
